



Handwritten signature or mark in black ink, possibly a library stamp or a collector's mark, located on the right side of the cover.

養雲山莊詩鈔

曲園俞樾

署檢



卷緒終曰季
仲夏四開雕

養雲山莊詩集序

八

曩咸豐同治之間曾文正公開幕院中南北諸郡縣寇禍浸息士大夫欣得依歸相率叩軍門請謁公特設忠義局處耆儒碩士以備異時將吏選而忠義冊籍職掌於此以待守土吏舉焉予時所及接者周志甫汪晴溪徐懿甫陳虎臣江待園方存之諸君各皆有學行見於人人而貴池芝田劉君實以名諸生著聲諸君間予初未之面也歲除之夕待園拉君訪予寓舍一見如夙好略賓主禮縱談所處而後去予始知君之爲人已而君應今相國李公之聘參軍海上不相聞問者七八年迨

養雲山莊詩集序

一

予入相國幕君已積功擢監司再見於楚而別君旋械所爲文屬訂予於是始知君之能文輒妄以意去取而序其大凡後面以授君君不以爲忤也自是與君閒歲時有離合去年予出蘇撫張公幕君留館之逾年矣君方督治相國後臺晝接賓僚夜披簡牘並日無暇晷然猶喜過予談藝往往至夜半瀾翻不休童僕倦而倚軒焉一日出少時同社酬唱集曰青山詩選屬予校刊予於是始知君之能詩君嘗自言生平學凡數變始由章句而入訓詁繼由考訂而入義理若文與詩生而知好之不自知其工拙也從軍以來不復作亦不復言蓋君

負雄邁之材好深湛之思洞其所達不能以一塵壅擴其所造不能以千里計卽藝術以推政事烏能測所終極乎青山詩選出讀君詩者詫焉以爲前所未聞然予知君十年而後知君之文十五年而後知君之詩君固不靳人知也獨予與世知君之淺可愧也君詩在選中僅十之三曰養雲山莊詩集尙存篋中予習讀焉會將別君曰盍爲我序爰及訂交始末而質言之君以監司待用有年矣大府知君而不盡其用故知君者恆謂君遇矣以予視君蓋猶夫君詩之遇世與予也其可謂遇焉否邪予嘗因君往事而興不遇之悲君笑曰曾公往矣同局諸君子或老且死者蓋無幾人予馳驅兵戈猶得無恙相從商榷文字豈非至樂可奮事哉嗚呼君言如此其詩之所存者概可知已

光緒元年歲在乙亥冬十有一月望後八日桐城徐宗亮謹序

養雲山莊詩集序

從軍之作椎輪於王粲而陳辭可以相角者莫善於陳琳飲馬長城窟行爲得風人之旨其次則庄俊若高敖曹短章亦庶幾焉鍾記室以仲宣爲源出李都尉發愀愴之詞文秀而質羸而品題所及不數孔璋毋乃遺赤水之珠乎夫情者文之經詞者理之緯情勝則質而野文勝則離而浮情文相傅斯爲至矣六藝附庸蔚成大國適斯以準可得而推同治元年壬戌予識貴池芝田觀察於滬上短衣楚制相眎莫逆而笑遂與爲友而芝田醴醢無世俗意與之處終日無鄙言然未知其深於詩也旣乃得讀其從軍諸作始怦然以爲觀察方雅詔

養雲山莊詩集序

三

於戎馬之間若虞翻之講易然者聳然異之迹其所作名章迴句夷然以清粹然以溫無麤厲之音而有雍容閑緩之度壇曼紆迴錯而成章蓋亦仲宣山川之遺響與觀察旣乃渡江而北歷秦郵登繹山涉微湖亂清濟以達京師東臨碣石以觀滄海踰析津杭直沽轍之杲超胸山以凌福山先秦刻石五文幾秭其四中間常所來往又多豪宕感激之士於是相攤相錯本其山礪水涯風行雨止草木蠹盛可喜可愕之狀一發之於詩故其爲詩幽然而光黯然而長指事類情處處間起麗典新聲豐肉而有骨知其出入於仲宣孔璋二家者深而

支流於子美之出塞昌黎之秋懷樂天之風論託體者
尊陸士衡所謂乘風載響徽音自遠也貴池故爲山川
奇勝之地礫落英多人才輩出次尾列復社一千六人
之首其文章氣節爲明國士可慨慕也觀察身際

盛時而廉介自厲論其心曲可質前人記曰溫柔敦厚
深於詩者也通詩於政蓋道之易易者矣予初與觀察
在滬上飛蓋追隨不啻鄴中之集今雖塗路相間而尙
得郵筒往來時時寵以新作是則閉關卻埽中一樂事
也畧綴蕪言以志衷曲同治己巳十月薛時雨序於秣
陵惜陰講院

養雲山莊詩集序

四

同治壬申秉成備兵滬濱識劉芝田方伯君以異等茂才從合肥相國師戡定吳越相國師軍麾北徭餉械仰給東南又屬君董治丁戊間淮軍十數萬人逐寇於徐豫克冀之交峙芟聚糧馬騰士揚東西撚次第掃蕩敘後饋運勞君爲第一積閥扃君下者或橫翔捷出駸駸幾大用君待監司闕十載駐上海十有三載地方利病互市機宜柔馴遠人之術皆洞究本末坐而言可起而行有造請借箸者輒推誠相告自公退食手把一卷聲琅然出戶外壹萃其力於詩所箸養雲山莊詩從軍行役詠懷贈畬都四百餘篇從軍詩多激壯之音自擊楫

養雲山莊詩集序

五

渡江迄轉戰吳越若螺紋之布於指掌也詠懷贈畬諸什則纏綿斐亶沖澗澹冶味之無極而適然以深殆有得於溫柔敦厚之教者歟夫詩以理性情書以道政事論者舉其大凡耳誦詩聞政唐人猶知之君旣擅政事才又能範其性情以餘事作詩人當代號能詩者且避席謝不敏余將何以擬君之詩哉皇華之詩曰載馳載驅周爰咨詢伐木之詩曰嚶其鳴矣求其友聲秉成締交於君旣聞生平行義因得讀君之詩蓋詢謀如親戚而友聲相和者矣還諗之君其不以斯言爲河漢乎

光緒元年歲次乙亥孟春歸安沈秉成謹序

客冬來滬治戎卽與芝田尊兄遊而未數數見也夏秋
過從漸密訝其深穩蘊藉殊有異於人人然亦未知其
能詩也頃以大箸詩稿屬爲評識竭數晝夜讀之其格
律之深穩詞旨之蘊藉雖曰人事抑豈非秉天者厚乎
世有識者觀其人可知其詩讀其詩愈重其人甚矣言
者心之聲不可以爲僞也進而不已不駸駸乎至唐四
家不止余混跡戎馬方以孤陋爲愆今得芝田爲友吾
道爲不孤矣旣鈐小印於各標題下方而復識數語歸
之未知芝田以爲然乎否也同治辛未重陽後二日沅
陵吳大廷識

養雲山莊詩集序

養雲山莊詩集卷一

貴池劉瑞芬芝田著

五古

遊天馬峯

雙峯峭如削雲木簇蔥靨遠岫含夕暉隔林明耿耿選
勝動素情透迤陟煙嶺窈窕厯陰崖偃僂穿苦箇蔭密
棧欲迷石隙趾屢窘絕壁緣蒼籐天梯接長縷捫險達
層巔縹緲觸奇境荒荒雲盪胸松磴落清影碎籜敲涼
颺飛泉鳴玉軫危巒趣已窮別徑旋復引蘭若在前岑
隱現佛燈靜扣關餉黃獨徘徊各懷騁霧散流素華山
空磬聲冷

養雲山莊詩集卷一

一

桐西閣夜坐

園林暮色澄開櫺坐虛敞迸俗心迹閒窺簾月華朗偶
持南華經流觀恣偃仰攝生理無違元根託幽養汎觴
聊寄歡山泉動清響繞檻梅已花寒香入幽幌

滴翠巖

故邛多好山三載未歸省秋浦今迴車理策躋翠屏削
劣攢高青委紆類盤纒導迹入煙蘿恂惚逢異景幽壑
勢如誘崖傾樹倒挺花明露猶泣鳥語林逾靜矧當宿
霧收空翠侵衣冷憩茲心迹清俯瞰澄潭影輕颺時一

來餐勝忘坐永

汪柳坡有遠行賦贈

矯矯雙黃鵠凌風晨飛翔之子遠行役驅車辭故鄉嚴霜被原野遠道經太行太行何崔嵬夾路嘒虎狼豈不誠艱辛安居未敢遑揮手別所親仗劍何慨慷丈夫貴榮名歧途無愴傷

雜感

秦元蘊神運悠悠嬗暑寒予生欣有託竹素恣博觀囊心汲修綆遣興弄柔翰姬尼迄莊屈鍵戶智已殫勉旃日新志無貽棄井歎南溟有六翮青霄會扶搏

養雲山莊詩集卷一

二

蜉蝣粲其榮曜朝難顧夕曷爲叔季情憤憤爭悅懌吉光千金羽土芥棄廣陌唾珍豔其妖顛倒今勝昔毋爲尤楚侯剛足麾和璧

蠹啄極其微卒令梁柱朽蟲芒非利錐能使牛羊走一士厲廉隅諳諳憎多口鴟吻嚇鷓鷯醢鷄知甕瓿器緣歛則傾海以寬能受沃焦自古今奚損尾閭厚晨矚青桑林曉曉葺牖戶微禽尙知機綢繆防未雨矧當荆棘生飛蕘化焦土帶甲方縱橫零雨憂破斧猶息惡木陰鍛羽徒自悔鴻鵠高天翔矰繳安敢取

惡死常人情妄想五內熱導引談長生黃冠侶紛結五

色鍊石脂胎息參丹訣洪浮成夢思安羨夙心折青冥
罡風邁銀宮竟安設羿妻奔廣寒毋乃齊諧譎淮南遇
八公蛻昇恣幻說龜鶴年可期沙邱曷崩裂
束髮受書史意氣凌洪蒼積學志鄒魯明性希周張秦
岱力能陟欲濟川無梁康莊詎不達室足多迷陽仲舒
策空挾甯戚歌徒傷究道樂躬耕隆中人徜徉

鴻毛少順風濟世無尺柄味道守其真窮達基以正集
義乃起衰積善詎祈慶吉凶復奚疑居易以俟命詩蔽
思無邪禮主毋不敬景光慎自愛不息斯入聖

送姚石村赴海陵

養雲山莊詩集卷一

三

禽鳥呼其羣繞樹相翱翔良友忽遠適中心愴以傷握
手城東隅征馬立傍徨徬徨亦何爲道路悠且長繁霜
迫歲暮朔風號枯桑仰視天宇寥浮雲何茫茫懽宴會
有期履慎毋相忘

春日雜感

羣山擁蔥翠煙青覆林屋眾芳何歲蕤映蔚紛綠縟競
冶徒朝榮綴華但媚俗感此念平生幻態無異局虛譽
胡足營塵網多翻覆縱帆赴滄溟颶怒難轉舳駉駉耀
金羈轅下終躊躇何如歸其愚抱璞韞昆玉緬彼蘭蕙

姿幽香滿空谷

采石晨理棹暮抵銅官城長風布帆飽逐浪夷猶行洪
流竟逆涉歷險神無驚推蓬眺天末雲水相與平餘霞
媚澄霽一髮遙山橫寒渚暝色起絕岸孤煙生扣舷發
清嘯皎皎秋月明

春望

迴野淑氣融東風生眾綠曦影烘遲遲野芳噴芬馥輕
颺噓委徐鳥聲散林木日涉已成趣餐勝苦未足延伫
暢煩襟亭皋恣麗矚

訪春岳

養雲山莊詩集卷一

四

驅車歷寒坳青煙蔽林表澄澹斜光涼颺盪叢篠華
西夙心期構宇棲雲嶠委懷在竹素鍵戶恣幽討騁修
尋陸榮秋階葉未掃握手罄平生飛觴各窈窕懼艾顧
來徑峯高朗月小

暑夜

夕永不能寐起倚東軒楹涼颺蕩幽幌炯炯階月明遙
睇斜漢流天宇寥以清紛喧亦已息壁蟲先秋鳴悠然
得所憩清歌怡素情

晤姚石村

幽林構精舍澹然抱孤清伊人肯惠顧啟閣爭懽迎青

琴一朝撫絃渺宣平生羨子湖海姿詠發千載鏗相對
氣醅穆令子煩塵輕苑柳綠窺牖砌花芳襲程靜契適
真性颯爽增吟情其如日色促難遣歸懷盈臨風久伫
立高樹疏蟬鳴

秋日家晴我先生軒中與汪柳坡姚石村姚北窗

小集

青山俯虛檐長廊翳深竹朗旭光難侵影漾一庭綠已
足豁煩襟況復接芳躅欹榻窺縑緗追懽恐日促濯鏘
煮清泉澗芳襲輕馥坐永遲吟懷疏雨響巖麓

雜詩

養雲山莊詩集卷一

五

歎息復歎息抱此孤桐琴佳人隔遠方寂處無知音豈
不思方舟渺渺滄波深日夕道且長目極青樹林相期
在夢寐共此平生心

漢濱有游女態綽情且柔求思不可得寤寐良悠悠素
心願先達通辭託洪流蘭杜爭芳菲采之以忘憂相思
情何極日暮依芳洲

江上芙蓉花灼灼耀朝日商風一夕來搖落無顏色豈
無門前橘纍纍結芳實經冬不改林貞心有誰識

白日一何速青陽忽西皓人生天地閒百年漫浩浩胡
爲戀虛名坐令榮華老行樂當及時貴自知幾早朝爲

庭前花暮逐原上草佳期渺難得顏色幾時好

蠶婦辭

團團箔上繭皎潔如凝霜促織機下鳴斷續推中腸當
窗織成綺不得裁爲裳素絲猶在軸官租已輸將寒宵
月如練翠袖誰愴傷吁嗟青樓倡羅綺盈千箱

田家辭

朝耕原上田暮鋤原下畛困疲不自苦志在活一身南
風麥未黃追呼聞四鄰秋禾旱不收鬻宅輸官困嚴風
迫歲暮俯仰誠悲辛吁嗟朱門倉委積化爲塵

珠成斛

養雲山莊詩集卷一

六

彼哉珠成斛道義棄如土裘馬意氣驕千金買歌舞庫
中五銖朽廚下八珍腐昂昂華屋居翻手作雲雨吁嗟
窮巷儒不如洛陽賈

冬夜懷汪柳坡叔松泉

蘭蕙何青青芳澤襲我裳採擷不盈把眷焉心愴傷感
此懷故人中宵立徬徨締交廿餘載直道交扶襄頻年
風雨散鴻鵠分翱翔負書遠游食仗劍從戎行豈不憚
艱險志在澄江湘我我衡山高悠悠潯水長嚴霜摧木
落游子懷故鄉渺焉隔天末莽莽塵沙黃士窮節乃見
崇修愛景光

名駒篇

名駒產大宛億萬獲一奇列宿應房駟豹股龍膺姿朝
鬣閩風苑暮飲蓬萊池長風排閩闔日月爭飛馳自顧
無匹儔短轡安能施紫塞偶然入駑駘羣相嗤謂爾八
尺質昂昂一何爲芻豆飽無日天廐充無時神俊不見
收凋喪常苦饑何如踏長楸玉勒黃金羈矜寵華軒下
顧影長驕嘶名駒但昂首羞與羣鴛鴦隨超然志萬里廝
養安足知不逢穆王御豈受人閒轡

叔曉山博齋移居七井山詩以送之

斜陽戀故墟雕甍化荆杞帶甲滿東南良朋遠遷徙卅

養雲山莊詩集卷一

七

角與君交情好骨肉比樽酒還具陳道義互相砥一朝
驚塵來振策謝桑梓七井皖南雄天半眾峯峙中有數
佳人挂冠勤耒耜

桂丹盟師金蘭洲先生皆避亂山中

歸然魯靈光梅溪

老柱史其陽曰日磾矯矯青雲士君去儻追尋吐我寸
衷鄙乘化形乃全忘情順所履如有採芝歌爲我寄雙
鯉

初夏由青山登可石

看雲來青山山外林容淨尋幽不厭遠隨趣入蘿徑憩
茲磐石上悠然發孤詠竹樹生夏涼山禽滿清聽前郊
微雨來何處響清磬

己未避亂縞溪喜家子安松泉兩先生見訪

荒齋臥秋雨病骨難自支野菊發幽砌時有寒蛩悲山
深少人迹寂寞空自知一與幽人譚藹藹生光儀且爲

一日歡慰此窮年思看雲有佳興還來餐地芝

本草注
山芋一

名地
芝

有懷

涼風撼庭樹落葉辭故枝空階蟋蟀鳴淒切一何悲念
我平生懽各在天一涯山城苦鳴鐃井里生蒿藜生命
不自保歡讌知何時采菘不盈掬何以慰相思

山中作

養雲山莊詩集卷一

八

幽磴寒泉鳴空階落葉積偶然謝塵喧山深萬緣寂邇
來適無事方幸此投跡樽酒敘所歡浩歌永今夕蕭疏
凍雨來松窗響寒滴

宿家紫巖九曲居

日暮暝色來循溪隨所悅偶過高人居庭宇幽以折憩
茲心神清愴然塵迹絕琴尊愜素懷相對忘言說乘興
步中園疏梧浸涼月

灌園

南疆苦離亂浩然歸舊廬平生拙謀食恥向炎熱趨先
人十畝園薄言勤菑畲不能自力作黽勉相荷鋤細雨

何方來油油青翠舒長歌風檐下陶然傾一壺
口味澹長甘葵藿性所怡萱幃潔盤飧晨夕甘如飴謂
昔遭凶荒兒年髻正垂窮鄉醉爲瑞草實郊無遺頻年
苦兵革鄉井皆流離殘骸滿草根存者多瘡痍我幸厚
天眷一室相追隨萊舞娛膝前藜羹勝肥醜矧兒天下
士豈終守荒畸勉爲矯矯松守此歲寒姿長跪聞母言
淚下如流澌
達人能知幾志士能安貧迷陽滿道路詎敢辭艱辛朝
來理荒穢飛鳥時相親我情旣閒逸所樂全其真檻檻
軒車來意氣耀前津安知園中人羞此齷齪倫

病起

養雲山莊詩集卷一

九

娟娟巖前月照我雙松扉清光爲我來相隨故依依裊
裊林花香隨風入羅幃使我冰雪帳冷然生光輝芳醪
復自酌相望了不違頗得靜中趣俯仰兩忘機

東家紫巖

東坡謫黃州杞菊恣烹飪破甑鬱生薪空床斂敗絮

東坡

句困乏一已極迺復吾儕遇家園已盪盡金溪共流寓

蕭然甑生塵敝衣寒不禦相對不言貧日得山水趣偶
有一樽酒與子大歡釀但醉勿復辭還索醉中句丈夫
貴適志身外何足慮顧此耿耿在蹇盡終當豫人厄非

天窮勉旃圖建樹矧茲麥苗秀芃芃潤朝雨

驅車出寒郭野曠千林開朔風墮明月浩雪漫空來邂逅
近山中人相攜復銜杯頻年苦兵革無此開襟懷留連
三日歡感子意氣恢登樓眺天際玉岫排崔嵬還當采
蕙草蠟屐相追陪

題楊韶和司馬桂林秋詠圖

我昔棲幽林讀書薜蘿宅叢桂羅前庭夙性愛泉石幽
香澹素懷孤鶴警清夕自從客塵海此景付沈寂感君
意綢繆相對忘主客忽披冰雪圖清境憶所歷俯聽流
泉鳴仰視晴雲白願與攜琴樽香中布吟席

養雲山莊詩集卷一

十

題梁檀圃方伯喬梓京兆圖

漢廷重三輔守尹徵醇儒子高傳經術郅治軼唐虞未
聞世濟美蟬冕映通都梁公廊廟器曳組縮銀符式穀
善貽謀體國紓良謨屈指六十載羽儀揚鳳雛向歆洵
宏達承明垂令譽何如見清德翊贊拱皇圖

憶昔翔木天芸館探祕籍銘篆著壺鑑摘藻耀華璧方
登著作庭頻奪侍中席抱此道味腴潤以詩書澤弓冶
衍薪傳文章無定格豈徒詡科名天人對三策制誥出
頽手雲陞麗金石世業掌絲綸蓬瀛喜接迹

詞曹簡星使片帆下衡湘洞庭木葉下蘭茝辜孤芳鋒
車度關隴太華削清蒼閒氣鍾英傑玉尺持平量量才
守家法奉 詔趨炎荒珊瑚取鐵網翡翠輸越裳采風
遵鄂渚江漢波湯湯梗楠與杞梓儲之貢玉堂

東南財賦區金陵控吳楚保障擢屏翰建節震華鼓與
君把臂初肝膈各傾吐執簡能馭繁居今必稽古門第
侔金張襟期許房杜我將賦皇華橫海耀樓櫓愧非出
境材勉效時艱補青松保歲寒離緒滿江渚

養雲山莊詩集卷一

七

養雲山莊詩集卷二

貴池劉瑞芬芝田著

七古

讀楊升庵廿一史彈詞

君不見潮陽刺史韓昌黎海氣溼蟄長羈縲又不見潯陽江頭白司馬商女琵琶淚交下誰與作此游戲文一函四千年事歌興酣詞酸意苦讀不得新都公子楊升庵昔武宗朝大手筆辛未廷對公第一絳袍烏帽充經筵大闔褫魄黃門慄無何藩邸迎世宗逢君首惡來萼璫大開明堂議徽號朱程正論公獨崇雷霆震怒白麻

養雲山莊詩集卷二

一

裂同官共灑螭頭血左順門前日色黃撼門慟哭心如鐵烏臺就考囚陰房孤臣萬里投蠻荒火雲瘴雨悸魂夢猩唬颺走摧肝腸腥臊薰蒸成白首京華望斷倚南斗分宜毒復梟獍張赦書斷絕隱於酒倒吹觥策發狂歌擁妓那得來秦娥蠻花插髻粉傅面醉中老淚揮滂沱棘兒猺女雜跳舞豈知此老心獨苦有家不得歸中原白髮飄蕭老邊土吁嗟乎有明一代正氣終衣冠毀裂朝右空如公博學首屈指著書百種遭奇窮吹燈掩卷坐太息窗松庭竹來悲風

戲題鍾馗夜獵圖

鍾馗噉鬼苦不飽餒嚼厭鬼戒田獠終南山下振臂呼
羣鬼懼躍威露爪虬髯按劍跨紫驢八鬼執爻爲前驅
一鬼張蓋殿而走腰弓背劍眾鬼俱陰風颼颼寒月白
圍場霹靂弓聲赫兔起鶻落鬼狎獠狐鼠草中皆奪魄
裸體兩鬼刀斧揮縱犬攫狸犬振威射狼之鬼皆盡裂
翻身逐鹿如風飛三鬼赤手搏馮虎虎欲噉鬼鬼更怒
鬼虎合鬪若兩軍鬼弁揚威擊鼉鼓沙飛雲暗盤阜鵬
控弦發矢穿層霄風毛雨血滿空際鬼伍拍手齊謹謠
鬼卒勇敢主人喜青燈閃閃歸途駛我聞西山射虎周
將軍生當封侯死廟祀嗟爾鬼雄徒挽千鈞弩得獸差

養雲山莊詩集卷二

二

免刳肢股忍饑冒險不敢辭主人腸充鬼力苦

丹爐歌爲姚蔥亭先生作

蝦湖詩星鬚鬢蒼圖書四壁羅縹緗平生嗜古若飲食
拈撫漢晉窮周商有鑪寒凝暮煙紫空堂白晝騰精光
盤螭雙環角端鈕中虛外直身巍昂坎離爻文就斑駁
七星五嶽何焜煌金波暖浮土花碧雲雷鼓盪神風翔
琴高丹鼎赤鯉負葛洪丹竈崆峒荒道陵羽化謝靈妙
子明無蛻遺陵陽仙蹤靈蹟杳難覓誰何鑄此難推詳
想當羣仙海上開霞觴芙蓉旌旗荷芰裳石脂五色燒
瓊漿月闌樂闋驂鸞鳳神鑪墮落滄洲傍是耶非耶互

鑿柄且烹蒙頂澆枯腸如斯至寶世罕有君其珍重留
山房摩挲三復披萬卷功須九轉成徽章我爲君歌勤
聽取急濡大筆書蕉黃歌成書就把盞笑換鵝同泛山
陰航

夜光竹根歌

沽不得隋侯照乘珠掘不起宛渠然山石大餘火玉今
時無金山石螢鮮遺蹟五龍山中來野樵劇得竹根長
一尺節麤皮裂形曲拳負薪挈歸竈下擲殘宵萬點堆
明星冷燄熒熒照荒宅攬衣驚起忙取攜珍如東海寶
珪碧隔宵把握傳四鄰浮光射手欺蟾魄恍如置身璧

養雲山莊詩集卷二

三

射湖神蚌吐珠皎如月又如清夜遊廣陵流螢萬斛寒
侵骨飛電著壁風颼颼幽室吹燈辨毛髮野老摩挲誇
怪奇疑是燭龍頷下獲或同變晝之草生拘彌羲和火
鞭卽是物否則靈光之豆貢日林烽火之樹獻南越珂
傘高張不夜天得毋當時同列來庭冊詎知上稟太陰
精千年凝結巖窟青藜太乙徒聞昔松肪夜燒苦不
易安得此竹化千百清輝分照青雲客

銅狻猊歌

先曾祖通議公客淮陰市有鬻銅狻猊者出金
易之載歸里中有識古者見之謂鑄自宣德朝

牝牡相偶此其牡也是否姑存其說作銅狻猊
歌

淮陰城東鬻古獅皮市三日無人窺紋紫彩碧光怪麗
前代法物時罕知我先杖策入淮市解纏出金亟易之
昇歸拂拭更剝剔罄腹焚蕪旃檀宜陸用輜車水舂艦
千里載運南山陲香枿作架黃金絡寶檻雕鏤相護持
崢嶸頭角雄踳踳鬣怒張金鬃披昂首掉尾活相現
據地欲吼風雲馳咄咄逼人走蛟螭觀者騰沸駭且疑
何工鑄此神乎技靈物顛末難詢咨或並禹鼎驅魍魎
或雜銅雀供娛嬉或鑄銅龍眾巧聚或鑄銅駝餘藝施

養雲山莊詩集卷二

四

或云梯山貢西域或云航海來波斯周秦漢晉歷歷擬
管窺蠡測歧復歧就中有客排支辭百家相者猶毛皮
傳聞製自宣德時匠求歐冶工求倂造化爲鑪神風吹
陽牡陰牝相追隨編爛偉麗陳丹墀供奉內廷九嬪司
蘭宮椒殿和氣滋金麟寶鴨排參差黃中一起鐘鼎移
流落市井埋塵緇奈何獲雄亡其雌儲此亦足當商彝
客言滾滾如傾卮荒唐確鑿難究推先人手澤今流貽
昂昂三尺咸珍奇永瞻香霧融春祠騰霄寶氣驚麇麒

弄甕歌

繩樞三匝銅鉦鏘城南觀者如堵牆健兒袒臂弄巨甕

花飛雪滾風迴翔中有女郎拂袖起羅襦錦袴花嬌似
大言手弄何足奇腰肢結束試其技亟將木案疊四層
輕雲冉冉身飛升紫泥金甕向空擲倒懸案角以足承
蓮鉤弄甕目上視忽左忽右隨所使雙足齊弄若弄丸
拋甕縮足抵甕底俄而轉甕如轆轤俄而擲甕猶跳珠
更以一足將甕舉一足撥甕旋床如猿攀象渡鶴梳翅
捲旗捧印百態備抽足縱甕甕不欬疾徐高下皆如意
翻身蹴甕騰半天眾人色沮渠媯然團團一甕落女手
鬢雲垂綠身翩翩吁嗟乎汝不能學公孫舞劍器錦衣
玉貌宜春侍又不能學飛燕舞旋風掌上輕盈冠六宮
徒然網利作錢樹飄蕩年年逐飛絮

養雲山莊詩集卷二

五

觀讀禮圖弔盧忠烈公

男兒三十身許國衰經沙場哀罔極枕戈痛寫苦塊圖
一字一淚讀不得憶昔癸酉奉詔居元戎東南保障專
屬公四明突陣賊膽破大書牙纛名天雄公雖文士善
騎射百發百殪無虛鏑麾軍鏖戰朱龍橋滁水不流尸
山積旋困闖擘七頂岡剋期一戰擒封狼湖撫郎撫盡
豚犬夫機坐使羣梟張奇功五載隳一旦訃書又復來
鄉縣疏上不許奔親喪萬里邊牆窺乞炭遼兵夜入居
庸關徹天烽火紅燕山畿輔洶洶輦震劍印三賜援

詔頒可憐躡氣喪面麻衣奔上奉天殿楊高主和公
主戰讜論驚聞帝色變黃金立賜親犒軍外廷釁起兵
權分躬提殘卒不滿萬敵營十里屯黃雲重圍三匝援
師絕箭盡食窮心如鐵矢刃交集振臂呼淋漓熱灑戰
場血嗚呼報親報國忠孝同尸包馬革真善終年來賤
子亦讀禮春暉莫報悲無窮對公此圖淚如雨乳烏原
上嘯酸風

金陵寺中觀魏鄭公象笏歌

我聞蘇公寶帶留鎮金山門孰知金陵復有魏公牙笏
龕東軒壬子新秋叩蕭寺老僧爲我開玉笏斑斕古色

養雲山莊詩集卷二

六

方正軀背盟朱文十六字在昔貞觀政治隆公居諫議
傾葵衷繩愆糾謬公所職主明民富公之功每披逆鱗
上論列虬髯欲殺田舍翁毀觀斃鶴帝折服國有諍臣
社稷福匡君堯舜扶天綱稍涉媮媮羞厚祿外庭飛謗
公坦然深宵坐閣修諫牘是時賴汝一片忠信存其汝
伏闕朝至尊生前相隨一十有七載附棺未得陪忠魂
鏡亡碑踏石麟吼獨汝堅貞心不朽至今衲子猶結香
火緣予亦摩挲不釋手台星煥彩三階平 聖人垂
拱言路清何當偕汝待 禁漏農書賢頌趨 承明

虎頭畫人不點睛傳神直至三年成胡爲斯圖盡如是
紛紛矇瞽宏漢京一盲負劍一攜帶侏儒小盲立花外
曲欄迴榭排青桐扛鼎兩盲形狼狽盤龍寶鴨玉蟾蜍
三盲分執趨庭除鶴髮盲袖青鐵硯肩扶稚子行紆徐
拾階盲荷靈壽杖尾後之盲抱資盜鬻鬻老盲踞胡床
馮几數盲同鑒賞琴笏書印鐘磬孟橫陳素案侈五都
向背俯仰暗摸索耳聆鼻嗅心規摹科頭一盲執櫻拂
據筵傲岸矜博物口指手畫如縣河探根躡窟眾盲屈
就中有盲惡少年辨鋒犀利驚無前一盲仰笑纓欲絕
挈長較短行張拳璞鼠鹿馬紛雌黃或者目盲心不盲
否則野人談天矇晝日扣槃捫燭不自量君不聞中官
朝恩本穢俗太學高談鼎折足又不聞平章崔協震當
時碑名沒字虛表儀君從何處得絹素如斯畫史稱獨
步金人緘口宣聖箴辯士舌端昔賢懼捲圖大笑呼瓊
杯小閣挑燈賦長句

養雲山莊詩集卷二

七

雪夜家晴峩先生畫蘭一冊草書杜詩見贈賦謝
雪片打窗風迴翔豐貂煖閣傾華觴挑燈裁紙炙凍硯
點墨未灑雙手僵柳坪詩星興豪絕白戰不許持寸鐵
解衣磅礴燒蘭膏尖奴橫掃硯冰裂杜陵邊風五古肥
硬黃麤楮歌且揮怒猊渴驥互奔抉滿紙霍霍煙雲飛

氣豪腕飽剗藤窄餘瀋淋漓更作畫十指拂拂抽湘蘭
冰花倏湛露珠碧朵雲飄下南金臺四壁颯颯春風來
珊瑚瑤林動光彩雪堂忽煖陽和回君不聞李將軍繪
大同水興酣潑墨風霆駛吳閫張旭書中仙醉後狂呼
索筆紙鳴呼先生亦如此

大雪行

道光辛丑冬十一月大雪五晝夜始霽積地深
丈餘廬舍多崩圯山木凍折過半兩閱月舟車
不行作大雪行

朔風捲地石亂走漫天雪花大於手五晝五夜鱗甲飛

養雲山莊詩集卷二

八

玉龍酣戰颺怒吼凍雲慘淡昏不明白玉堆積高於城
荷鍤開道指欲脫瑟縮吳鹽堆下行登樓岸幘意悵惘
高下無從辨陵壤茫茫混混韜兩儀青峯飛去白地長
堅冰三尺川不流水晶爲域瓊爲樓琪花瑤樹苦難狀
但見皓皓萬里坤輿浮湮藏梁磴失阡陌行人墮足沒
頭脊東鄰西里咫尺遙封若蟻垤蟄不闢二旬白日寒
無光丈二冰柱凝檐廊紅爐楫柚珍似桂豐貂斗酒寒
莫當咄咄怪事案屢拍垣上縱橫獸行蹟嗥狐啾鹿饑
且僵赤手搏拾日千百舟膠車陷冬逾春作羹無菽炊
無薪我欲仰天籲滕六亟遣五丁鑿路烏伐冰噫吁噫

我聞童奔犬吠徧閩粵輪臺胡天飛八月又聞荆揚六
出占年豐啟扉三白懽融融是冬毋乃太奇絕平地盈
丈屋崩折綠簑青笠耕秧畦猶指前峯未消雪

大水行

道光戊申江左大水吾池平地深二丈明年夏
尤大四尺許民舍漂沒無算復霪雨五旬四山
蛟起田多崩陷禾麥不登余時里居悉池人死
徒狀因感賦是篇

歲在己酉夏五月奔山倒海洪濤發水深二丈嗟去年
今年水還高四尺初來蕩漾迷湖津繼則汜濫過城闈

養雲山莊詩集卷二

九

洶洶大波捲地起廬舍漂沒困沈淪鼉窟市鱗騰宅
通都灑淼如震澤波光盪日濤掀天浮圖見頂山露脊
顛連死徙民無家脫身水國猶蟲沙上巢下窟等昏墊
鳩形菜色空悲嗟枵腹作炊無粒米瓜壺菽麥沈波底
哀鴻徧野聲磬磬俯仰老稚時含涕五旬霪霖春夏交
萬山崩裂騰惡蛟田畦潰陷禾麥偃高壤復遭瓜蔓鈔
里有義倉拯凋瘵人多穀少事何濟是秋饑饉同薦臻
斗米千錢胡卒歲吁嗟乎今無錢王英武略三千強弩
射潮落又無神勇周孝侯拔刀踏浪斬蛟頭青州賑例
分明在當事宜紓宵旰憂

食土行

己酉歲歉江以南徽池太三郡爲甚貧民無以
生去子鄉數十里皆謂神開土倉爭往掘食土
出凡數處青白赤異色予撮嘗之猶土也惻然
賦此

吁嗟吾邑民食土須臾緩死充腸腑噉惡歲禾黍無
卑者苦潮高苦雨我聞在昔遭凶荒撥捋草實餐秕糠
藉此亦足療旦夕今胡爲者掘土倉千村萬落盡播棄
黃榆紫蕨少遺類蛙生土竈甑生塵粒米粒珠歲難避
馮夷暴虐天仁慈神授以土蘇羣黎負戴塞道望若織

養雲山莊詩集卷二

十

鶩趨鳩噎甘如飴予因撮塊徧審視赤如渥丹青若芷
就中截肪白者良丸之嚙之土猶是東家幼子朝嘸饑
三日絕粒形槁鷲搏土爲餒雜葵藿垂涎炙色情愴悽
亦知凝滓臟腑實聊爲殘喘延時日難覓盧循續命湯
且當仙人煮石術歸來讀史驚荒唐雨黍雨豆書不祥
安得今秋盡雨此土可不食充稻梁吁嗟萬井蕭條鮮
中戶胥吏催徵猶似虎

常開平王銅矛頭歌

九華山下土人取靈珀掘出青銅矛頭長一尺陰風颭
颭鬼啾唧古血寒凝土花碧上有籀文鈐鄂國摩挲對

爾弔遺蹟將軍昔佐明高皇摧鋒陷陣一當百軍中共
呼常十萬生駒衝突眾辟易元軍高踞千尺磯大呼跳
盪拔采石鄱陽鏖戰蛟龍愁火烈煙騰湖水赤橫行洛
北收大都罽虜滿地飛沙磧戰袍紅染虜血腥旌旗色
慘邊霜白追隨惟爾功最多南北縱橫共征伐胡爲明
器九十俱殉鍾山傍惟爾獨遺罔珍惜鐵心一片埋黃
塵虎氣空騰陰雨夕嗚呼卽今烽火明江頭高原草根
纏白骨荒山夜夜唬鬼車野屋家家避戈戟安得將軍
再出統六師攜爾蕩掃豺狼窟

送汪柳坡赴宣州軍

養雲山莊詩集卷二

十一

海雲荒荒海天碧寒潮一片魚龍色布帆無恙縣秋風
寶刀結隊迎僊客前年挾策游濠梁風塵頃洞鯤鵬僵
歸來香界伴虛寂苦吟贈我瑤華章詠嘲相對發奇趣
約種梅花三百樹結廬放鶴雲水鄉老此華陽泉石痼
邇來羽書飛南都未容國士終樵漁長劍摩天斫雲壘
紛紛人海如君無丈夫擔荷光日月何必跼促如轅駒
堂堂韓范盡吾輩我識如甕形如塊凌風聳翼天門高
卅年馬齒嗟荒廢飲君斗酒送君行匣中龍劍寒飈生
何時草檄隨麾旌停鞭訪子宣州城

戊午九日偕故園諸子讌集楓谷草堂醉登五指

天門諸峯時汪柳坡遊浙東姚石村臥病未赴
此會感賦

白雲捲盡青天高金英老圃寒香飄故園諸子發清興
走馬東渡螺溪橋楓谷老人掃高閣汲泉煮石舌本澆
攜壺直上五峯頂爭開笑口持霜蝮長虹吸川恣狂飲
鉅鹿搏戰分題糕眾賓懽呼玉山倒俯聽萬壑鳴松濤
夜歸新月照荒路黃花插帽風蕭蕭醉中忽念柳坡子
雖欲握手關山遙負劍從軍隔千里玉帳夜聽錢塘潮
蝦湖石村近咫尺深林臥病如潛蛟人生聚散感萍迹
惜此高會晨星寥况逢烽火徹山郭意氣那得常雄豪

養雲山莊詩集卷二

三

前年同醉老梅下青山雪夜眠僧寮今年梅花盛如昔
安得舊雨重相招新詩百篇留一闕醉臥香雪傾松醪

姚石航刻石章見贈賦長句謝之

奇峯排闥蒼煙鋪飛泉挂壁長虹驅風來綠擁萬竿竹
滿院擊碎青珊瑚清晨煮茗坐高閣石友策蹇窺精廬
探囊惠我碧玉印龜螭壓紐爭盤拏籀文繆篆獨奇古
如君鐵筆南皖無憶昔乃兄草堂上酒酣出示蝌蚪書
其時君方客東海侯門裘馬爭相趨吳雲楚樹渺千里
未得入座同清娛今秋把臂近咫尺畫船載酒遊蝦湖
白雨山頭作高會平原十日今無殊開緘更示金石錄

剖琢珉璞陳璠璣意匠直欲透真宰星斗錯落光照軀
倚摭鐘鼎樞峒嶠如披石經來鴻都賞奇好古夙有癖
流涎無異逢麴車何期故人識我意輒復相貺驪龍珠
頭銜姓字那堪說封侯萬里成子虛夜光入手釋不得
塗鴉畫蚓隨狂夫報君絕少青玉案逢人喜播黃生譽
會須袖此訪同社醉摘九十九朵青芙蕖

詩柄歌

章曼卿先生嗜淡芭菰斷竹根七寸鑿孔吸之
每吟詠時不去諸口名之詩柄已未清明客蝦
湖姚石航篆銘其上予復歌之

養雲山莊詩集卷二

三

君不見老游詩瓢腰閒縣洞庭明月招飛仙又不見東
坡詩鉤釣奇句倒瓶浪醉樊口船華陽逸叟詩中顛別
開生面歌百篇湘川竹根自題署銘以五字星珠聯枯
腸鼓吹賴此柄虹霓吐氣雷霆鞭蝦湖詩仙好事者蚪
蚪古篆爲雕鐫吞花臥酒未嘗捨愛之不減柯亭椽宛
如無孔笛此獨生雲煙大類脫旄節此獨形完全乃知
達人寓物不留物古無今有雅可傳綠楊匝岸花連天
尋春走馬青山前摩挲徧示同社子捧腹絕倒可石顛

一作我
眉顛

醉時歌

壯不封侯握虎符立功青海雄萬夫猶當高隱如林逋
種梅放鶴孤山湖胡爲落落作措大青燈老屋徒守株
憶昔芳華十五餘翩翩玉立飄瓊裾青霞談天富文史
黃金結客傾盃盃得交豪俊許肝膽意氣磊落凌清虛
無端烽火照山郭黃鐘墮地瓦釜譽書城金谷兩寂寞
落日慘淡成荒墟牀頭只賸舊藏劍篋中空有焚餘書
往來南北未肯舍風塵瀕洞徒欷歔天涯淪落狂不除
興來往往傾百壺吐吞雲夢快胸臆哀絲豪竹羅名姝
當前得失安足較王侯螻蟻皆須臾但須善保千金軀
清風明月無時無詩成擲筆雷霆驅滿身花影醉中扶

養雲山莊詩集卷二

古

酬芝庭贈古歛藏墨

江南自昔稱諸奚內庭龍劑超廷珪熙明殿隨劫火燼
歷六百載名誰齊後來新安得其祕地煙合搗薰麝臍
摹泐心經篆隸古圖繪黃海雲霞低流傳海內重光價
文壇好事爭品題阿連癖好大類予所至滿篋磨輪蹠
南歸贈我烏玉玦豹皮囊裹光離迷嗟予得此置無用
書畫鄙俗徒裝齋年來遭亂迫奔走一枝難覓鷓鴣棲
壯志消磨苦兵革生計索寞虞鹽齏舊藏卷軸若性命
往往遺棄封塵泥摩挲此墨長太息一螺點漆空爾鰲
安得東封鏤玉牒濡染大筆如昌黎當前得失勿復計

與君林壑相攀躋汲泉還煮白山茗碧桃當檻黃鶯囀
家小園畫花蝶圖見贈賦謝

晴窗閒點滕王譜蝴蝶飛花作團舞感君寫此妙入神
蝶影花魂春栩栩朝晚雨涼纖纖新泉活火開風簾
脫略萬事春夢酣莊乎蝶乎迷黑甜覺來爛漫作游戲
達生齊物寓微意有情欲化羅浮仙多才亦託漆園吏
我昔種花南湖濱亦能弄翰傳花神幾回寄憾紫桐扇
幾回換醉玻璃春四五年來不如昔筆荒硯老饑寒迫
過眼煙雲百感灰黃塵匝地苦兵革何幸翩翩更遇君
嗜書耽畫懷清芬涉獵丹青得三昧規摩篆籀生八分
乃知技巧有天授偶一落筆蛟螭走閉門宴坐春日斜
留客十千沽斗酒月明相對花閒樓爲我作畫消閒愁
醉歌一笑莫爲報詩成聊比珊瑚鉤

縞溪山樓觀曹大將軍古硯

將軍愛硯如愛馬青燈紫裘似儒者當年五戰皆先鋒
草檄常攜未央瓦黑龍江頭秋草黃揮毫肅肅飛青霜
論列邊防十二事辭嚴驚動中書堂乃兄恆齋玉堂客
隸蚪破體作飛白長安傳徧公侯家往往千金求筆迹
將軍能武更能文圖書坐擁懷清芬字體瘦硬若牛弩
筆法直追王右軍好硯平生亦成癖應官南北懷蒼壁

青州紅絲費萬錢端溪紫玉搜寒澤花萼樓新亦壯哉
朝回花底開瓊杯樞部笙歌令公邸弟兄詞賦梁園才
山川寂寞玉魚朽百六十年如反手廢池水滿鷓鴣浮
荒臺草深麋鹿走當時故物誰復收蒼然古硯藏山樓
墨花剝盡出光怪令我拂拭思昔侯酒熟剛逢重九節
牆根菊花開似雪銜杯捧硯歌慷慨空山月落雲堆墨
小園爲余刻印並以篆書印卷見示戲書其卷端
蝦湖詩人姚白兩餘事鐵筆奇而古此翁沒後數來者
石航卓犖篆中虎巢松有客青雲姿祕帖圖書滿庭戶
嶧山斷碑辨棗木太學遺文搜石鼓金石刻畫能旁通
養雲山莊詩集卷二 六
漆書纍纍印有譜窗明几淨開卷看修矛快劍森相拒
十體變化如有神追樵李蔡得十五昨朝爲我摹秦文
劉郎小字鐫花乳賤子三十猶青衫賣文負米桃花浦
卽今南國多旌旗紛紛紉文爭尙武何緣草檄中書堂
金印腰懸獨開府未堪抱璞趨風塵畫尾書中事偃僂
還君此卷思徘徊願抹頭銜留綺語春濃拈此蚪蚪書
荳蔻花前教鸚鵡

喜叔松泉博齋歸南山置酒話舊時博齋復有江
上之行因以餞之

五更月落山雞號破窗無紙風蕭騷臥不得寐百感集

銀瓶自煮枯腸澆剝啄扣門老友至驚疑未定悲喜交
自從飢走荒山道無情青鬢將殘凋淮西幕府不能辟
洛陽季子空蕭條邑井干戈流戰血山村池館埋蓬蒿
昔日王孫今措大今時裘馬前斗筭榮枯顛倒那堪說
吾儕落魄騰笑嘲在昔雞壇各年少逐獵快射盤風鵬
湖山文宴載青舫清夜歌舞纏紅綃十年繁華易消歇
世事夢幻成無聊青山舊友一時散握手一笑真寥寥
豈料生還舊鄉縣煙塵滿目還相攜壺花底強君飲
何必落落嗟繫匏窮達有命理難強百年瞬息如流泡
況當春暖晚風細青峯萬笏羅庭舉丹霞半蒸芍藥蕊
綠雲初放新篁梢丈夫身在豈長棄歐公句天設奇境娛
吾曹瓊杯在手莫辭醉明日帆挂江天遙

張子岡少府見示印存全帙蒼秀之氣豁人眉宇

賦此奉贈

黃石磯頭石齒齒煙寒潮落江見底荒城伐鼓停樓船
都護營前識張子感君意氣凌青雲挾策都門走萬里
少工鐵筆妙入神養親遠負桃花米烏巾白髮輕王侯
篆名誇徧長安市三十得官江南征丞廳無壁富書史
蒼梧鼙鼓動地來飄然脫險危城裏量松晝臥黃山雲
尋梅夜渡西湖水風塵落拓狂不除清夜高歌詩滿几

賤子飄泊干戈中與君石交聊可喜願持金印求壯士
甲兵倒挽銀河洗請君更淬昆吾鐵坐斬樓蘭斫雲壘
篆如斗大戰功紀摩崖我亦把栗尾

賈芸樵都轉以六十自壽詩索和卽步原韻奉酬
我公嗜古窮商周清華福慧天人儔書畫平生若性命
丹砂不向句漏求閒分清俸飼黃鶴肉芝紫暎林塘幽
詩天酒地各放意花枝醉摘當酒籌豪情逸興信矍鑠
神仙富貴誰堪伴賤子識公在東海羣仙高會無時休
秦澹如王蔭齋兩都轉陳稚林張西園兩觀察楊振甫宮贊吳廉甫陳魚門兩太守壺觴高會迭爲賓主良辰介壽逢上巳杏花照耀丹霞收麻姑麟脯陳珍饈瓊

養雲山莊詩集卷二

六

英鳳管引珠喉仙翁振筆神明道詩成五色雲煙浮
開畫錦耀南極方瞳紺髮輕王侯拇戰罰依金谷數
看花還約西城遊香山不厭下里曲靈椿七頌相賡酬
君不見三千桃熟蓬萊秋雲璫齊奏環鳴璫

題張雲溪軍門紅綠梅花幃子

山堂快靚傾城色綠萼紅綃驚絕特羅浮林下來名姝
參橫月落眠香國輕盈酒暈侵玉肌嬈娜翠鬟憐麗質
春風媚人光豔明芳香襲裾情默默銜杯索笑紅亭邊
對花令我常相憶昔年種梅金門山繞屋千株萬株密
無端作客東海隅故園花開有誰識海上尋梅情更癡

往往風雪衝寒出將軍夙有梅花癖孤山鄧尉通消息
鶴艇鴉鋤清興長神仙眷屬煙霞室醉後橫吹玉笛詞
狂來倒潑金壺墨更剪冰綃寫作圖疏影暗香閑拂拭
君不見調羹偶試凌雲筆先向百花開第一

題錢素園刺史戎裝倚馬圖

我聞衛公洗馬汾陽橋河流瀲灩風蕭蕭又聞袁生倚
馬萬言就龍城草檄驚掾曹使君此圖寓深意風塵賞
識逢方臯冀北羣空得真驥意態雄傑凌青霄腰藏三
尺噴龍氣腹受一石輕鴻毛樹功東海拔上駟快展驥
足追神飈前年識君在戎幕白駒維繫頻歌謠停鞭醉

養雲山莊詩集卷二

五

踏虎邱月並轡飽看錢塘潮玉樓杏花開春色軟紅塵
試驂騮驕相期攬轡志千里敢以髀肉辭劬勞卽今鐵
騎滿青海請纓馳驟秦關遙黃榆紅柳踏雲壘封侯馬
邑皆賢豪偉哉君家武肅氣蓋世名馬寶帶勳名高

贈別薛慰農觀察

憶昔君客春申浦滿苑杏花同聽雨寒燈索句夜不眠
曙色透窗吟正苦目光炯炯無餘子百好不入惟好古
雖容倡和到皮陸那敢光芒爭李杜明年捧檄武林城
一麾出作湖山主美政真堪玉局儔風流足繼香山武
甘棠種滿西湖濱往往杭人頌召父我時匹馬從西平

磨盾草檄隨幕府江光未得窺曹娥峯影空勞夢天姥
故人遠隔參與商關塞不通秦與楚方將貢禹思彈冠
詎料陶潛謝簪組萍蹤各散天一涯忽復攜手城南野
鬢髮同驚魯直衰要權還訝臧倉沮贈我新詩一百篇
鬼神歌泣鸞鳳舞益知杜老肩常瘦要爲宣城首終俯
君言已了子平願五岳遨遊從此始竹杖芒屨計已成
餐霞採藥心先許我欲攀留亦大難軒冕年來棄如土
丈夫適意貴當前夢擾魂驚實自悔飲君一斗玻璃春
今夕何夕觥莫拒隴頭他日逢驛使手折梅花遙寄予
偕楊子雲軍門由析津冒雪航海至銅沙放歌

養雲山莊詩集卷二

三

楊侯意氣何雄豪同入北海驅神鼉雪花如席飛寒宵
鐵船奔駛如衝飈黑水洋東風怒號濤頭如山天地搖
玉龍酣戰滕六挑長鯨跋浪馮夷驕君已一粟隨流泡
我亦萬事輕鴻毛惟將忠信凌波濤遑云汗漫如盧敖
夜闌霧散見斗杓混茫一氣流滔滔狂來呼酒傾瘦瓢
醉看日出扶桑高天風浩浩吹寒潮蓬萊三神何處遭
徐福求仙騰笑嘲秦皇漢武真兒曹

